



Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe

AUGUSTÆ Vindel. & DILINGÆ, 1707

VD18 12383155

Versvs IV. Quoniam iniquitatem meam ego cognosco, & peccatum meum
contra me est semper.

[urn:nbn:de:hbz:466:1-47773](#)

tum. Et ecce JESUM verè effectum pro te , quoties
Poenitentiæ sacramento uteris , Sapientiam à DEO & Justi-
tiam, & Sanctificationem & Redemptionem. Inde, ut iterum
te totum immergas pretioso illi balneo , adora illum, ut
instrumentum Divinitatis, non quidem disiunctum, quo-
le est baculus respectu brachij, quod illo utitur; sed con-
junctissimum, quale est brachium respectu capitinis; & de-
nuo illud etiam ingemita: *Amplius lava me ab iniquitate
mea, & à peccato meo munda me:* Si enim à JESU ut DEO
venit Gratia Sacramenti; à JESU ut homine provenit eti-
am Gratiæ applicatio.

VERSUS IV.

*Quoniam iniquitatem meam ego cognosco , Et pec-
atum meum contra me est semper.*

Considera, cùm David à DEO petat veniam tam per-
fectam peccati sui, videri debuisse ad illam conse-
quendam ante omnia DEO proponere , tanquam
titulum sufficientem, dolorem illum , quem jam sentiebat
in corde contrito; non autem ejus cognitionem : dolori
enim illi (juxta id, quod ore suo DEUS promiserat) de-
hebatur per consequens venia; non debebatur autem co-
gnitioni. Et tamen David non meminit doloris , meminit
autem cognitionis. *Quoniam iniquitatem meam ego cogno-
scō.* Sed quem latet, quòd cognoscere culpam , sicut co-
gnosci meretur, semper sit conjunctum cum dolore viva-
cissimo? Sicut cognosci non potest DEUS , & non ar-
dentissimo amore amari; sic cognosci non potest, quid sic
offensa DEI, quin illa odio habeatur eādem mensurā , quā

I.

C 2

ex per-

ex perfecta DEI cognitione crescit erga eundem amor. Hinc rectè scriptum est, *Qui addit scientiam, addit & dolorem. Eccl. 1. v. 18.* Quis enim est, qui satis de peccato doleat? qui satis illud cognoscit. Ignorans quispiam, cùm audit nominari peccatum, ridet, & quâ causâ? quia ignorans est: Non potest ejus rei afferri ratio verior. *Omnis peccans est ignorans.* Sed qui scit, qui scit inquam, quid sit peccatum; qui capit ejus malignitatem, qui comprehendit ejus malitiam, ô quām ille dolet! Christus in horto cùm hanc animo volveret, sanguineo undique sudore maduit. Et tamen ille cogitavit de malo non suo. Quodsi scientia duplex est, boni una, mali altera, *Scientia boni & mali. Gen. 2.* Qui peccatori hac in vita addit *scientiam boni, addit & dolorem:* facit enim ut agnoscat, quantum sibi deficit boni. *Et qui addit Scientiam mali, addit & dolorem;* cùm faciat eum etiam cognoscere, quantum sit, quod ipse habet malum. Si igitur amas serio dolere de admissō malo, in id incumbe, ut istud ad fundum usque pernoscas. Lepram corporis satis erat cognosci à Sacerdote; non ita res habet cum lepra animi. Hanc ille cognoscat oportet, cuius est eam curare; ut est certum: multo autem magis ille, qui cā liberari desiderat. Causa ejus rei hæc est; qui laborat leprā corporis, sanari potest, etjamsi non doleat, quòd cā laboret. Animi leprā liberari non potest, nisi qui magno mali hujus dolore tangitur. Dolor autem nunquam potest est major, quām sit cognitio; sequitur eam passibus æquis.

II. Considera. Non esse magnopere mirandum, quòd homo tam illustratus lumine cælesti, quām erat David, cognoverit tandem enormitatem iniquitatis suæ; illud dignum stupore, quòd tamdiu non cognoverit. Et tamen ita

ita est, multo tempore eam non agnovit. Totis novem
mensibus illam non agnovit, donec scilicet nata illi est
proles spuria, & Nathan supervenit ad enormitatem hanc
facti alieni fœditate illi demonstrandam, quam in suo non
agnoscet. Medio autem tempore an ille forsan ne alio-
rum quidem peccata agnovit? Vix ille à Propheta, quem
modo dicebamus, audivit proponi sibi Parabolam illius di-
vitis, qui, ad parandam hospiti suo cænam, tam fuit cru-
dus & inhumanus, ut parcendo omnibus gregibus propriis,
qui tam multi per campos errabant & nemora, cucurrit
ad tugurium pauperculi, & vi avulserit ex ejus sinu ovicu-
lam illam unicam, quam inibi ad innocentias suas delicias
fovebat, nulla habitâ ratione sumptuum, laboris & amo-
ris, quibus misellus ille eam nutriebat; non inquam, priùs
narrari ista David audivit, quin mox, summo indignatus
furore, nefarium hunc hominem mortis reum pronuntia-
ret. *Vivit Dominus, quoniam filius mortis est vir, qui fecit*
hoc. 2. Reg. 12. 5. Et tamen de le, qui atrociora longè au-
sus fuerat, ne verbum quidem mutavit. Quin, etsi pro-
bè perspicere posset facinus suum vivis admodum coloribus
in ficto illo eventu repræsentatum, non tamen agnovit;
neque ad agnoscendum progressus esset, nisi ipse Propheta
explicuissest, citra omnes ambages pronuntians; *Tu es ille*
vir! O execrabilem amorem proprium! quo tandem per-
ducere potest homines, etiam sanctissimos, cùm locum il-
li dare cœperint! Et tu non cohorrescis? attende, quām
probè videoas, quāmque lynceus sis in erratis alienis. Sed
quām cœcus es in tuis? Non ob aliud, quām quia à te i-
psò digressus, vagi instar hominum, effundis te in omnia,
quæ divellere & occupare animum tuum possunt, quin un-
quam ad te redeas, ut in temet, sicut oportet, obtutum

convertas. Et tamen hæc est inter præcipuas dotes Anima rationalis una; quod possit in ipsas suas cogitationes inquirere, se discutere, se ad examen vocare, ponderare, quam demum vitam vivat? id quod brutarum animantium facultatem superat. Quid tibi proderit, posse coram D E O profiteri, *Iniquitatem alienam cognosco?* proderit autem plurimum, *cognosco meam.*

III. Considera, quod David re ipsâ diu non agnoverit admissam à se noxam. Subinde tamen operis tarditatem ejus vi & fervore compensavit. Unde cum vix dixisset; *Iniquitatem meam cognosco:* mox verè subjungere potuit: *Et peccatum meum contra me est semper:* tam illum repente summus dolor occupavit, mox atque agnovit, quid peccando admisisset. Neque dolor hic brevis tantum, & vix unius momenti fuit, qualis tempestatis esse solet, quæ quo majori furore, hoc breviori tempore transit: perpetuus fuit ac stabilis: sic ut miser David per omnem deinceps vitam oculis suis objectam habuerit imaginem sui, D E O perduellis. Cum ita hæc dicit ille, dum dicit: *Peccatum meum contra me est semper.* Dicit contra, sive coram (nam & hæc vocis illius vis est; *Ite in castellum quod contra vos est*) ut ostenderet, facinus suum semper oculis suis obversari: *dolor mens in conspectu meo semper.* Ait etiam contra sive adversus; ut indicet, non versari hanc culpam ob oculos, tanquam rem visu non injucundam; sed tanquam rem ejusmodi, quæ semper sibi aduersetur, ut hostis suus, cum quo pax ipso nulla esse possit: *Tota die verecundia mea contra me est,* & confusio faciei meæ cooperuit me: à voce exprobrantis & obloquentis, à facie inimici & persequentis. *Psal. 43. v. 16.*

Duo hic habes, ad quæ animum tuo bono animadvertis, si te gerere volueris ut Pœnitentem perfectum. Primum

mum est, ut nunquam obliviscaris virt̄e pravæ, quam duxisti. Ponite corda vestra super vias vestras. Agg. 1. Non cā quidem ratione, ut omnium singillatim peccatorum me-mineris, quæ admisisti. Unde David non dixit, si recte ob-servamus, semper obversari sibi suum adulterium, suam cædem, sed generatim; suum peccatum. *Peccatum meum contra me est semper.* Idque duplice ex capite: primò, quia meminisse peccatorum singillatim, non est semper utile, imò non semel etiam noxiū, ob imagines quas in animo excitant, instar picturarum turpium. Deinde, quia id, quod in peccato super omnia detestari oportet, non est specialis hujus, aut illius peccati malitia; sed illa communis omnibus; quòd sit offensio DEI. Unde cùm David sermone Pro-phetae Nathan rediisset ad cor, aliud non habuit quod di-ceret, quām *Peccavi Domino.* Hoc fuit, quod ipsi tam lu-culentam plagam infixit. Facilè poterat plurimum aliarum rerum mentionem facere: sed cùm hoc ipsi doloris magni-tudo non permitteret, omnes brevi duarum vocum epilogi clausit, quæ bene ponderatae multis aliis virtute æquipol-lent. Ita & tu, quotiescumque in te animi dolentis affectus excitare volueris, hoc tibi sit satīs: revocare tibi in men-tem, quid tandem egeris offendendo D E U M. *Peccatum meum contra me est semper.* Atque hoc, si ponatur idem esse, dicere *Contra me,* quod *coram me.*

Alterum monitum est, quòd peccatum non debeat ob-versari oculis tuis, tanquam imago mortua; quæ etsi sit Ba-silisci, non terret. Obversari tibi debet tanquam Bas-iiscus, aut Draco vivus, qui si te etiam immotus aspexerit, occidet te: quid fieri, si te invaserit etiam? Hoc posito, quando dicis: *Peccatum meum contra me est semper:* non de-bes accipere hanc voculam, ut significat *coram tantum,* sed

sed etiam ut significat adversus; imaginando tibi, quod a-
spicias Peccatum instar Draconis immanis, qui tantum tibi
mali intulit, & qui tantum adhuc inferre potest, si non
attendas tibi. Hinc sicut ille semper in id intentus est, ut
pugnet contra te, & bellum tibi moveat; sic tu vicissim in
id intentus esse debes, ut bellum ipsi moveas: adeoque si-
mul dicere possis: *Peccatum meum contra me est semper: &*
ego semper contra peccatum meum. Vnde illis, qui pro eo quod
peccatum suum semper ante oculos habeant, semper illud
a tergo habent! Hi enim vero, ut dicamus rem ipsam, neque
medentur ulla tenus malis præteritis, nec unquam tueri se
possunt contra futura, licet imminentia.

VERVS V.

*Tibi soli peccavi, & malum coram te feci, ut justi-
ficeris in sermonibus tuis, & vincas cum
judicaris.*

I. **C**onsidera, quod cum vellet David, magno illo dolo-
re peccati admissi impulsus, aut exaggerare, aut sal-
tem cum fide exponere omne malum, quod a pecca-
to suo, aspectui suo semper obversante, exprobrari sibi au-
diebat, videatur nunquam debuisse D E O dicere, quod
ipsi soli peccaverit: *Tibi soli peccavi:* sed quod etiam pec-
caverit contra plures alios; ut & ex adulterio, & cæde in-
justi, plus satis ipsi apparebat. Sed adverte animum, &
vid bis, Davidem tantum dixisse, ut plus non potuerit. Et
primo quidem dixit *Tibi*, & cur hoc? quia non poterat di-
cere *in Te*. Quis quis peccat, recta nunc D E U M, nunc
Proximum, nunc semet fecit. Nunc D E U M, ut faciunt
Impij;